

## PROCEDURA SKLAPANJA BRAKA U OPĆINI STARI GRAD SARAJEVO

Sklapanje braka vrši se u skladu sa Porodičnim zakonom Federacije Bosne i Hercegovine („Službene novine Federacije Bosne i Hercegovine“ broj 35/05 i 41/05). Prema Porodičnom zakonu Federacije BiH, postupak sklapanja braka vrši matičar-državni službenik.

- Prijava za sklapanje braka podnosi se u roku koji ne može biti kraći od 30 dana prije željenog termina za sklapanje braka.
- Prilikom najave potrebno je prisustvo oba buduća bračna partnera.
- Potrebna dokumentacija mora biti u originalu čiji datum izdavanja nije stariji od 6 mjeseci ili dokumenat koji nema ograničen rok važenja.
- Prijava za sklapanje braka podnosi se u kancelariji matičara IV sprat, soba 416.
- Prijave se podnose svakim radnim danom u vremenu od 9:00 do 11:00 sati.

### **Dokumenti potrebni za sklapanje braka BiH državljana:**

- izvod iz matične knjige rođenih za oba buduća bračna partnera- original,
- uvjerenje o državljanstvu za oba buduća bračna partnera- original,
- potvrda o slobodnom bračnom stanju za oba buduća bračna partnera- original,
- potvrda prebivališta za oba buduća bračna partnera i buduće svjedoke,
- lične karte budućih bračnih partnera i svjedoka (fotokopija).

### **Dokumenti potrebni za sklapanje braka sa stranim državljaninom:**

- Izvod iz matične knjige rođenih (međunarodni/internacionalni),
- Uvjerenje o državljanstvu,
- Uvjerenje o slobodnom bračnom stanju,
- Uvjerenje da nema zakonskih smetnji za sklapanje braka na teritoriji sa \_\_\_\_\_ (navesti ime i prezime) državljaninom BiH i da će brak koji bude sklopljen u BiH prema našem porodičnom zakonu biti priznat od strane (navesti zemlju stranog državljanina),
  - fotokopija pasoša (ovjerena),
- prijava boravka na teritoriji BiH (izdat od strane odjela za strance i putne isprave)- bijeli karton.

SVI DOKUMENTI MORAJU BITI ORIGINALNI I OVJERENI PEČATOM APOSTILLE.

Potrebno je izvršiti prijevod dokumenata od strane ovlaštenog sudskog tumača u BiH. Prilikom prijave tj. zakazivanja vjenčanja potrebno je prisustvo sudskog tumača, kao i na samom činu sklapanja braka.

Ako između Bosne i Hercegovine i strane zemlje ne postoji ugovor u smislu Haške konvencije (zemlje koje nemaju apostille pečat), svi dokumenti iz takve zemlje moraju biti nadovjereni i legalizovani za službenu upotrebu u BiH, odnosno ovjereni od

strane Ministarstva inostranih poslova iz zemlje iz koje dolaze i nadovjereni od strane Ambasade BiH koja je nadležna za tu zemlju.

Izvodi koji su izdati na međunarodnom obrascu tj. izdati po Bečkoj Konvenciji, oslobođeni su nadovjere.

Sklapanje braka se vrši na svečan način u SALI ZA VJENČANJE Općine Stari Grad.

- sklapanje braka u redovnom terminu (srijeda i subota) od 08:00h- 16:00 h u zgradi Općine- bez naknade.

Na zahtjev budućih bračnih partnera matičar može odobriti sklapanje braka van službenih prostorija (u restoranu, hotelu itd.),, u kom slučaju je potrebno da se navedena lokacija nalazi na području Općine Stari Grad Sarajevo, kao i da se u tom slučaju podnosi poseban zahtjev za izlazak matičara na tereni i da su budućí bračni partneri dužni platiti naknadu, koja je utvrđena Pravilnikom o naknadama posebnih troškova za obavljanje sklapanja braka, broj: 01-05-4-400/15 od 12 02.2015.godine, kako slijedi:

- sklapanje braka u zgradi Općine (srijeda i subota) od 16:00h -18:00h- 100 KM,

- sklapanje braka u zgradi Općine (utorak,četvrtak i petak) od 08:00h-18:00h100 KM,

-sklapanje braka van zgrade Općine (ugostiteljski objekat, restoran, vlastiti stan i drugi slični objekti) od 08:00h-18:00h - 500 KM i od 18:00h -19:00h - 700 KM,

- sklapanje braka u neradne dane (nedelja i praznici) od 08:00h-18:00h - 700KM,

- sklapanje braka u zgradi Općine kada su oba bračna partnera strani državljani - 700 KM.

Invalidna i nepokretna lica takođe su oslobođena plaćanja naknade za sklapanje braka ukoliko se zaključenje braka vrši u njihovom stanu.

Naknada posebnih troškova se plaća na šalteru blagajne Općine, u Šalter sali.

Potvrdu o izvršenoj uplati budućí bračni partneri prilažu matičaru uz ostalu dokumentaciju.

Sve dodatne informacije putem telefona 033/282-351.

SLUŽBA ZA OPĆU UPRAVU